

Na osnovu člana 7. Zakona o budžetima u Federaciji Bosne i Hercegovine («Službene novine Federacije BiH», broj: 102/13, 9/14, 13/14, 8/15, 91/15, 102/15, 104/16 i 5/18), a u vezi sa članom 13. Zakona o principima lokalne samouprave u Federaciji Bosne i Hercegovine («Službene novine F BiH», broj: 49/06 i 51/09) i člana 24. Statuta općine Srebrenik («Službeni glasnik općine Srebrenik», broj: 1/08), Općinsko vijeće općine Srebrenik, na sjednici održanoj dana, 29.12.2018. godine, d o n o s i:

## **O D L U K U**

### **O IZVRŠAVANJU BUDŽETA OPĆINE SREBRENİK ZA 2019. GODINU**

#### **I - OPĆE ODREDBE**

##### **Član 1.** **(Predmet)**

Ovom odlukom uređuje se struktura prihoda i primitaka te rashoda i izdataka Budžeta općine Srebrenik za 2019. godinu (u daljem tekstu: Budžet), njegovo izvršavanje, prioriteti plaćanja, obim, zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Općinskog načelnika, općinskih službi za upravu, općinskih stručnih službi i Općinskog pravobranilaštava, kao i druga pitanja u izvršavanju Budžeta za 2019. godinu.

##### **Član 2.** **(Pojam i donošenje Budžeta)**

Budžet je akt kojim se planiraju prihodi i primici, te rashodi i izdaci općine Srebrenik (u daljem tekstu: Općina) za period od jedne fiskalne godine koji donosi Općinsko vijeće općine Srebrenik (u daljem tekstu: Općinsko vijeće).

Budžet se odnosi na fiskalnu 2019. godinu, koja počinje 01. januara, a završava se 31. decembra 2019. godine.

##### **Član 3.** **(Struktura Budžeta)**

Budžet se sastoji od općeg i posebnog dijela i Programa kapitalnih investicija za period 2019.-2021. godina.

Opći dio Budžeta čini Račun prihoda i rashoda.

U računu rashoda iskazuje se planirani iznos pokrića deficita iskazanog u Budžetu općine Srebrenik za 2012., 2014. i 2016. godinu u iznosu od 600.000,00 KM

Posebni dio budžeta sastoji se od plana rashoda i izdataka budžetskih korisnika raspoređenih u tekuće i kapitalne izdatke za tekuću budžetsku godinu.

Program kapitalnih investicija za period 2019.-2021. godine čine kapitalni projekti planirani u Revidiranoj Strategiji razvoja općine Srebrenik za period 2016. godina do 2020. godina, usaglašeni sa Programom izgradnje infrastrukture na području općine Srebrenik za 2019. godinu i Programom uređenja gradskog građevinskog zemljišta na području općine Srebrenik za 2019. godinu.

**Član 4.**  
**(Budžetski korisnici)**

Budžetski korisnici su općinske službe za upravu, općinske stručne službe i općinsko pravobranilaštvo.

**Član 5.**  
**(Uplata prihoda)**

Svi javni prihodi i primici Budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na račun javnih prihoda Budžeta Općine i iskazuju po izvorima iz kojih potiču.

Prihodi ostvareni po osnovu Zakona o građevinskom zemljištu («Službene novine FBiH», broj: 67/05) uplaćuju se i evidentiraju na posebnom računu Sredstva za uređenje zemljišta i rente i koriste se za tekuće i kapitalne izdatke u oblasti komunalne infrastrukture i izradu projektne dokumentacije, u skladu sa Zakonom o prostornom uređenju i građenju («Službene novine TK», broj: 6/11, 4/13, 15/13 i 13/15) i Odlukama Općinskog vijeća.

Prihodi ostvareni po osnovu Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća («Službene novine FBiH», broj: 4/12 i 80/13) uplaćuju se i evidentiraju na posebnom računu Sredstva za zaštitu i spašavanje od prirodnih i drugih nesreća a koriste se u skladu sa Planom korištenja namjenskih sredstava kao i u skladu sa Odlukama Općinskog vijeća.

Prihodi ostvareni po osnovu naknade za izgradnju skloništa u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća («Službene novine FBiH», broj: 39/03, 22/06, 43/10) uplaćuju se i evidentiraju na posebnom računu Sredstva za izgradnju i održavanje javnih skloništa a koriste se za izgradnju i održavanja javnih skloništa u skladu sa Zakonom kao i u skladu sa Odlukama Općinskog vijeća.

Prihodi ostvareni po osnovu Zakona o zaštiti od požara i vatrogastva («Službene novine FBiH», broj: 64/09) uplaćuju se i evidentiraju na posebnom računu Sredstva protivpožarne zaštite i vatrogastva i koriste se u skladu sa Pravilnikom kao i u skladu sa Odlukama Općinskog vijeća.

## II - IZVRŠAVANJE BUDŽETA

**Član 6.**  
**(Sredstva za budžetske korisnike)**

Sredstva Budžeta osiguravaju se budžetskim korisnicima koji su u Posebnom dijelu Budžeta određeni za nosioce sredstava na pojedinim pozicijama.

Korisnici koriste budžetska sredstva do visine utvrđene u njegovom Posebnom dijelu samo za namjene koje će se utvrditi zajedno sa nadležnom službom.

**Član 7.**  
**(Neplanirana namjenska sredstva budžetskih korisnika)**

Namjenske donacije i grantovi koji nisu planirani u budžetu, a ostvare se u toku fiskalne godine namjenski će se usmjeravati u budžet Zaključkom Općinskog načelnika a na prijedlog Službe za finansije i inspekcijски nadzor o čemu će se izvijestiti Općinsko vijeće prilikom izrade Rebalansa budžeta ili podnošenjem Izvještaja o izvršenju budžeta.

### **Član 8.**

#### **(Odgovornost za prikupljanje prihoda)**

Budžetski korisnici odgovorni su za potpuno i pravovremeno prikupljanje i uplaćivanje na depozitni račun općine Srebrenik prihoda budžeta, namjenskih sredstva i prihoda iz svoje nadležnosti.

Budžetski korisnici odgovorni su za zakonitost, svrsishodnost, efikasnost i ekonomičnost raspolaganja budžetskim sredstvima.

### **Član 9.**

#### **(Operativni planovi)**

Služba za finansije, na osnovu godišnjih i kvartalnih planova novčanih tokova, iskazanih po mjesecima, dostavlja korisnicima instrukciju za izradu prijedloga operativnih planova rashoda i izdataka.

Korisnici su dužni dostavljati prijedloge godišnjih, kvartalnih i mjesečnih operativnih planova u skladu sa instrukcijom Službe za finansije.

Korisnici mogu stvarati obaveze do visine sredstava odobrenih operativnim budžetom.

### **Član 10.**

#### **(Prioriteti izvršavanja Budžeta)**

Budžet općine će se izvršavati po sljedećim prioritetima:

1. Otplata kamata i duga općine,
2. Plaće i naknade troškova svih zaposlenih kod budžetskih korisnika,
3. Transferi za socijalnu politiku,
4. Transferi za BIZ,
5. Transferi za poljoprivredu,
6. Tekući transferi i kapitalni izdaci i
7. Ostalo.

Izuzetno, Općinski načelnik će izvršavati Budžet promjenom prioriteta utvrđenih u stavu 1 ovog člana i visinu doznaka sredstava utvrđenih u Budžetu općine u slučaju promjene tekuće likvidnosti i drugih okolnosti.

Ukoliko dođe do odstupanja priliva planiranih sredstava u Budžetu sve obaveze koje nisu regulisane zakonskim i općim aktima isplaćivat će se u skladu sa likvidnim mogućnostima budžeta.

### **Član 11.**

#### **(Javne nabavke)**

Postupak nabavke roba, usluga i ustupanja radova mora se obavljati u skladu sa Zakonom o javnim nabavkama BiH («Službeni glasnik BiH», broj: 39/14) i Pravilnikom o postupku direktnog sporazuma broj: 07-1568/14 od 01.12.2014.g..

### **Član 12.**

#### **(Tekuća rezerva)**

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve utvrđenih u Budžetu.

O korištenju sredstava tekuće rezerve, na osnovu zahtjeva odlučuje Općinski načelnik, a po dobijanju prijedloga Službe za finansije i inspeksijski nadzor.

Službe za finansije i inspekcijски nadzor će dostaviti prijedlog Općinskom načelniku na osnovu pribavljenog mišljenja nadležne Službe o opravdanosti predmetnog zahtjeva.

Budžetsko izdvajanje za tekuću rezervu ne smije preći 3 % prihoda, isključujući namjenske prihode, vlastite prihode i primitke.

Službe za finansije i inspekcijски nadzor obavezna je tromjesečno izvještavati Općinskog načelnika o korištenju sredstava tekuće rezerve.

Općinski načelnik izvještaj o utrošku tekuće rezerve dostavlja Općinskom vijeću kao prilog izvještaju o izvršenju budžeta općine Srebrenik u skladu sa planom i programom rada Općinskog vijeća.

### **Član 13.**

#### **(Preraspodjela rashoda i izdataka)**

Općinski načelnik može na prijedlog budžetskog korisnika, uz pribavljeno mišljenje Službe za finansije i inspekcijски nadzor, donijeti Odluku ili Zaključak o prestrukturiranju rashoda u okviru ukupnog iznosa odobrenog za budžetskog korisnika, a najviše do 10 % ukupno odobrenih rashoda i izdataka za budžetskog korisnika.

U okviru odobrenog Budžeta, preraspodjela sredstava izuzetno je dozvoljena između budžetskih korisnika.

O preraspodjeli iz prethodnog stava odlučuje Općinski načelnik na prijedlog Kolegija općinskog načelnika uz pribavljenu prethodnu saglasnost Službe za finansije i inspekcijски nadzor.

### **Član 14.**

#### **(Jedinstveni račun trezora)**

Obavljanje platnih transakcija vrši se preko transakcijskih računa koji su sastavni dio Jedinstvenog računa trezora.

### **Član 15.**

#### **(Naredbodavac Budžeta)**

Općinski načelnik je naredbodavac za raspodjelu i utrošak sredstava utvrđenih u Posebnom dijelu Budžeta.

### **Član 16.**

#### **(Pozajmica sredstava)**

Općinski načelnik može izvršiti pozajmicu sredstava, sa svih računa posebnih namjena općine Srebrenik u slučaju nedostajućih sredstava na računu Budžeta.

### **Član 17.**

#### **(Povrat pogrešno ili više uplaćenih prihoda)**

Pogrešno ili više uplaćeni javni prihodi, vraćaju se uplatiocima iz sredstava Budžeta u skladu sa odredbama važećeg Pravilnika o načinu uplate javnih prihoda budžeta i vanbudžetskih fondova na teritoriji Federacije BiH i upravnog akta (Rješenje ili Zaključak) nadležnih općinskih službi koje vode postupak o opravdanosti i odobravanju povrata više ili pogrešno uplaćenih javnih prihoda.

### III- REALIZACIJA SREDSTAVA BUDŽETA

#### Član 18.

##### (Sredstva za rad Općinskog vijeća)

Sredstva utvrđena u Budžetu za isplatu naknada za rad u Općinskom vijeću i u radnim tijelima Općinskog vijeća isplaćuju se na osnovu Odluke o naknadama vijećnika Općinskog vijeća Srebrenik, njegovih organa i tijela, Kolegija Općinskog vijeća, stalnih i povremenih komisija koje bira ili imenuje Općinsko vijeće («Službeni glasnik općine Srebrenik», broj: 11/06, 2/14, 5/14 i 6/15).

#### Član 19.

##### (Plaće i naknade troškova zaposlenih)

Sredstva utvrđena u Budžetu za isplatu plaća i naknada uposlenika, izabranih i imenovanih dužnosnika u organima općine Srebrenik isplaćuju se na osnovu propisa donesenih od strane Općinskog vijeća općine Srebrenik kojim su propisane isplate plaća i naknada uposlenika i izabranih dužnosnika u organima općine Srebrenik i Rješenja koje donosi Općinski načelnik, Sekretar općinskog vijeća, Općinski pravobranilac.

Osnovica za obračun plaće u visini od 315,00 KM i bod od 1,0 primjenjivat će se za period od 01.01.2019. godine do 31.12.2019. godine a ista će se primjenjivati na koeficijente utvrđene Odlukom o plaćama i naknadama uposlenika i izabranih dužnosnika u organima općine Srebrenik («Službeni glasnik općine Srebrenik», broj: 1/15).

Sredstva sa pozicije „Naknade troškova zaposlenih“ osiguravaju se budžetskim korisnicima na osnovu Zakona o plaćama i naknadama u organima vlasti Federacije Bosne i Hercegovine zemljištu («Službene novine FBiH», broj: 45/10, 111/12 i 20/17), Uredbe o naknadama koje nemaju karakter plaće («Službene novine FBiH», broj: 63/10, 22/11, 66/11 i 51/12) i Odluke o plaćama i naknadama uposlenika i izabranih dužnosnika u organima općine Srebrenik («Službeni glasnik općine Srebrenik», broj: 1/15).

#### Član 20.

##### (Sredstva za rad parlamentarnih klubova)

Sredstva utvrđena za finansiranje rada parlamentarnih klubova realizuju se u skladu sa Odlukom o raspodjeli novčanih sredstava Budžeta za finansiranje klubova i vijećnika političkih stranaka zastupljenih u Općinskom vijeću Općine Srebrenik («Službeni glasnik općine Srebrenik», broj: 5/10).

#### Član 21.

##### (Raspodjela sredstava)

Sredstva utvrđena u Budžetu općine Srebrenik na pozicijama:

1. Općinska izborna komisija,
2. Za volontere u JU, OŠ, MSŠ, JU, JP, DD i DOO,
3. Podsticaj poljoprivrednoj proizvodnji,

4. Rješavanje stambenih pitanja boračkih populacija,
  5. Isplate stipendija i studentskih kredita,
- koriste se na osnovu Odluka, Programa, Pravilnika, Zaključaka i Planova koje donosi Općinsko vijeće.

**Član 22.**  
**(Raspodjela sredstava)**

Sredstva utvrđena u Budžetu općine Srebrenik na pozicijama:

1. Pomoći po zahtjevima,
2. Novčana pomoć porodicama novorođenčadi sa područja Općine,
3. Pomoć za raseljena lica i pomoć za održivi povratak,
4. «OGUS“, Dani povelje i ostale kulturne manifestacije»,
5. Razna udruženja i mladi,
6. Usluge medija,
7. Sredstva za finansiranje vjerskih zajednica,
8. Sredstva za finansiranje rada Mjesnih zajednica,
9. Tekući transf. neprof. org. - Vatrogasno društvo Srebrenik
10. Obilježavanje godišnjica i memorijalnih datuma
11. Kapitalni transferi Mjesnim zajednicama,
12. Sportski klubovi (OFK, OK, KK „Gradina“)
13. Izdaci za izgradnju, opravku, sanaciju i održavanje Spomen obilježja u MZ 1992-1995.g. i održavanje, opravka i sanacija mezarja/grobalja Š/PB,
14. Grant sredstva za rad udruženja obrtnika, privrednika, ZZ i razvojnih agencija „Nerda“, NBR i sl.)
15. Ostali tranferi pojedincima - za registraciju novih obrta,
16. Subvencije za potporu novoosnovanim subjektima malog i srednjeg poduzetništva - za nove proizvodne programe, podrška privrednim subjektima u certificiranju proizv.,
17. Za kulturne manifestacije kojima se pomaže poljopr. proizv.,
18. JU "Centar za kulturu i infor."-Izgradnja spomen sobe učesnicima rata 92-95-Izrada monografije Srebrenik 92-95,
19. Tekući transferi neprofitnim organizacijama-Za zakup prostora za Sportske klubove,
20. Izdaci za RVI, članove porodica poginulih boraca i demobilisane pripadnike OS RBiH
21. Učešće u projektima na implementaciji Strategije razvoja općine Srebrenik i projektima finansiranim iz viših nivoa vlasti (Ministarstva, Agencije, Fondovi i sl.)
22. Učešće u projektima na implementaciji Strategije razvoja općine Srebrenik i projektima finans. iz međunarodnih organizacija (UNDP, USAID, EU Fondovi i sl.) i
23. Učešće u projektima na implementaciji Strategije razvoja općine Srebrenik i projektima finansiranim iz međunarodnih organizacija (UNDP, USAID, EU Fondovi i sl.) - za realizaciju projekta COMPOSE,
24. Učešće u projektima na implementaciji Strategije razvoja općine Srebrenik i projekti finansirani iz viših nivoa vlasti i međunarodnih organizacija,
25. Sufinansiranje projekata turističke zajednice, međunarodnih i domaćih udruženja i viših nivoa vlasti,

koriste se na osnovu Programa, Odluka o utvrđivanju kriterija i postupka dodjele sredstava za finansiranje usvojenih od strane Općinskog načelnika i Odluka o odobravanju projekata iz viših nivoa vlasti i međunarodnih, a na prijedlog nadležne Službe.

**Član 23.**  
**(Raspodjela sredstava)**

Sredstva utvrđena u Budžetu općine Srebrenik na pozicijama:

1. Tekući tran. nepr. org.-Izdaci za organizovanje sportskih turnira za mlade,
2. Namjenska sredstva za zaštitu od prirodnih i drugih nesreća,
3. Izdaci za zajedničko održavanje zgrada,
4. Izdaci za naknade po vansudskim nagodbama,
5. Izdaci za rad mobilne stanice za praćenje kvaliteta zraka,
6. Izdaci za promotivni materijal i ostalo,
7. Kapitalni transferi pojedincima - Za stambene objekte,
8. JP „9. Septembar“ DD Srebrenik- Za troškove radnika na Autobuskoj stanici u Srebreniku,
9. Subvencija JP „9. Septembar“ DD Srebrenik-Za odvoz smeća na deponiju, van područja općine Srebrenik

koriste se na osnovu zaključaka, protokola, sporazuma koje donosi Općinski načelnik a na prijedlog nadležne službe.

**Član 24.**  
**(Izveštaji o utrošku sredstava)**

Korisnici budžetskih sredstava iz prethodnog člana obavezni su mjesečno odnosno po utrošku sredstava izveštavati nadležnu općinsku Službu o utrošenim sredstvima.

Služba za finansije i inspekcijski nadzor neće vršiti doznaku sredstava korisnicima budžeta iz prethodnog stava ukoliko nadležna Služba nije obavijestila Službu za finansije i inspekcijski nadzor da je korisnik dostavio Izveštaj o utrošku sredstava.

**Član 25.**  
**(Program kapitalnih investicija)**

Sredstva utvrđena u Budžetu općine Srebrenik kao «Kapitalni izdaci» i ulaganja u komunalnu infrastrukturu koriste se na osnovu Liste kapitalnih projekata iz Revidirane Strategije razvoja općine Srebrenik za period 2016. godina do 2020. godina, Programa kapitalnih investicija za 2019.-2021. godinu, Programa izgradnje infrastrukture na području općine Srebrenik za 2019. godinu i Programa uređenja gradskog građevinskog zemljišta na području općine Srebrenik za 2019. godinu, a nadležne Službe o realizaciji istih podnose po potrebi Izveštaj Općinskom vijeću.

Sredstva utvrđena u budžetu općine Srebrenik kao kapitalni grantovi će općinski načelnik namjenski odobravati na zahtjev korisnika sredstava a koji je prethodno proveo proceduru u skladu sa Zakonom o javnim nabavkama.

**IV- FINANSIJSKO IZVJEŠTAVANJE**

**Član 26.**  
**(Izveštaji o izvršenju budžeta)**

Služba za finansije i inspekcijski nadzor dužna je podnositi Općinskom načelniku tromjesečni, polugodišnji i devetomjesečni finansijski izvještaj o izvršenju budžeta u roku od 30 dana po isteku obračunskog perioda, a godišnji izvještaj do 15. aprila tekuće godine a isti je Općinski načelnik dužan dostaviti Općinskom vijeću Srebrenik.

## V- ZADUŽIVANJE I UPRAVLJANJE DUGOM

### Član 27.

#### (Stvaranje obaveza)

Općina može stvoriti obaveze po osnovu zaduživanja ili izdavanja garancija. O visini zaduživanja i garancijama odlučuje Općinsko vijeće. Otplata duga Općine predstavlja obavezu Općine.

### Član 28.

#### (Svrhe zaduženja)

Općina Srebrenik se može zadužiti u sljedeće svrhe.

1. Za finansiranje kapitalnih investicija i posebnih programa odobrenih od Općinskog vijeća,
2. Za plaćanje, na osnovu idatih garancija općine Srebrenik, u potpunosti ili djelimično u slučajevima kada zajmoprimac ne isplati svoje obaveze,
3. Za finansiranje budžetskog deficita.

### Član 29.

#### (Svrhe izdavanja garancija)

Općina Srebrenik može izdati garanciju samo za finansiranje kapitalnih investicija, i samo pod uslovom da je pravna osoba koja je zajmoprimac sredstava pravna osoba čiji je većinski vlasnik općina Srebrenik ili je pod nadzorom općine Srebrenik.

## VI - RAČUNOVODSTVO I NADZOR BUDŽETA

### Član 30.

#### (Računovodstvena načela)

Budžetsko računovodstvo se zasniva na računovodstvenim načelima: tačnosti, istinitosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor.

Budžetsko računovodstvo vodi se po načelu dvojnog knjigovodstva i na računima kontnog plana budžeta.

### Član 31.

#### (Načelo modificiranog nastanka događaja)

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se u onom periodu kada je obaveza nastala za plaćanje odnosno troškovi se dugoročno razgraničavaju ukoliko su ugovoreni za plaćanje za period duži od jedne godine.

### Član 32.

#### (Odgovornost za stvaranje obaveza)



Rukovodioci općinskih službi za upravljanje općinskih stručnih i drugih službi, Općinski pravobranilac odgovorni su za interni nadzor, uključujući i potrošačke jedinice koje spadaju u njihovu nadležnost.

Služba za finansije i inspeksijski nadzor vrši nadzor računovodstvenih dokumenata budžetskih korisnika.

## VII - JAVNOST I TRANSPARENTNOST BUDŽETA

### Član 33.

#### (Objavljivanje)

U cilju obavještanja javnosti o upravljanju javnim prihodima - Budžet, Dokument okvirnog budžeta, Odluka o izvršavanju budžeta i ostali dokumenti vezani za izvršavanje budžeta, objavljuju se u Službenom glasniku općine Srebrenik, u skladu sa članom 100. Zakona o budžetima u F BiH.

Svi dokumenti iz stava 1. ovog člana objavljuju se i na internet stranici Općine Srebrenik.

## VIII - PRELAZNE I ZAVRŠNE ODREDBE

### Član 34.

#### (Primjena drugih zakona)

Na sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta primjenjuju se odredbe važećih Zakona.

### Član 35.

#### (Stupanje na snagu)

Odluka o izvršavanju budžeta općine Srebrenik za 2019. godinu, stupa na snagu narednog dana od dana objavljivanja u «Službenom glasniku općine Srebrenik», a primjenjuju se za fiskalnu 2019. godinu.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
Općinsko vijeće  
Broj: 01-745/18  
Srebrenik, 29.12.2018. godine**

**ZAMJENIK PREDSEDAVAJUĆEG  
OPĆINSKOG VIJEĆA**

**Edis Kavgić, dipl. prav., s. r.**